



**LAPORAN LIPUTAN MEDIA HARIAN  
KHAMIS 12 NOVEMBER 2020**

BIL	TAJUK KERATAN AKHBAR	KEMENTERIAN / JABATAN / AGENSI
1. 2.	USAHA GIGIH USAHAWAN SAYUR BERBALOI, NASIONAL, SINAR HARIAN -5 PENGUSAHA PELANCONGAN JADI PETANI, DALAM NEGERI, UM -33	KEMENTERIAN PERTANIAN DAN INDUSTRI MAKANAN (MAFI)
3. 4.	RAIH PULANGAN EMPAT ANGKA SEBULAN, NEGARA, KOSMO -17 ANAK MUDA RAIH RM7,000 TANAM CENDAWAN, DALAM NEGERI, UM -4	LAIN-LAIN

UKKMAFI

**UNIT KOMUNIKASI KORPORAT  
KEMENTERIAN PERTANIAN DAN INDUSTRI MAKANAN  
(UNTUK EDARAN DALAMAN MAFI, JABATAN DAN AGENSI SAHAJA)**

# Usaha gigih usahawan sayur berbaloi

Hasil meningkat selepas mendapat bimbingan Jabatan Pertanian

Oleh ASYRAF MUHAMMAD

HULU SELANGOR



RAMLEE



HANIFAH

**S**apa sangka, pertaruhannya mencuba nasib untuk beraih kerjaya ternyata membawa hasil buat anak kelahiran peneroka Felda Mempaga, Bentong, Pahang ini apabila beliau kini mampu mengusahakan ladang tanaman sayuran seluas kira-kira 27 hektar di Bukit Beruntung, Selangor.

Menurut Ramlee Mohd Nasir, 39, beliau memulakan projek tanaman sayur di tapak ladang berkenaan sejak tahun 2018 selepas kerjayanya dalam bidang sistem audio tidak begitu menjamin kehidupannya dan semakin kurang mendapat permintaan.

Namun, katanya, enam bulan selepas memulakan tanaman tersebut, beliau masih gagal meraih sebarang hasil, malah mengalami kerugian kerana tidak mendapat bimbingan daripada mana-mana pihak.

"Pada permulaan dahulu, saya ingatkan bidang tanaman adalah mudah dan boleh dilakukan sesiapa sahaja tanpa melibatkan kos yang tinggi.

"Sangkaan saya ternyata meleset kerana bidang ini sebenarnya lebih sukar dan turut mempunyai cabaran yang tersendiri," katanya kepada *Sinar Harian* di sini semalam.

Enggan mengalah, bapa kepada tujuh orang anak itu berkata, dia kemudian mendapatkan khidmat nasihat dan bimbingan daripada Jabatan Pertanian Daerah Hulu Selangor untuk memulakan semula tanaman di ladang berkenaan.

Menurutnya, pegawai Jaba-



Ramlee meninjau tanaman sayuran di ladang miliknya di Bukit Beruntung, Selangor.

tan Pertanian banyak memberi ilmu dan kursus kepada mereka, malah turut turun padang untuk memantau sendiri keadaan tanaman yang diusahakan.

"Saya akui pada peringkat permulaan, memang saya langsung tidak tahu peranan dan bantuan yang disediakan Kementerian Pertanian dan Industri Makanan (MAFI) menerusi Jabatan Pertanian kerana tidak pernah berurusan dengan mereka sebelum ini."

"Bagaimanapun, selepas dua tahun mencebur ijin bidang ini, saya rasa amat bersyukur kerana pegawai dan wakil Jabatan Pertanian amat prihatin serta tidak lokek berkongsi ilmu bagi membantu kami menguruskan tanaman dengan lebih baik."

"Hasil tanaman kami seperti sawi, kailan, kangkung bambu, pucuk keledek dan lain-lain semakin meningkat berbanding sebelum ini," katanya.

Ramlee berkata, ketika ini dia hanya mengusahakan tanaman di ladang berkenaan yang melibatkan kawasan seluas 10 hektar bagi mengelak lambakan hasil susulan pelaksanaan Perintah Kawalan Pergerakan Bersyarat (PKPB).

## Cabarani

Menurutnya, sejak memulakan projek tanaman di ladang berkenaan, dia berdepan cabaran untuk memasarkan sayur-sayuran kerana Hulu Selangor tidak mempunyai pusat pengumpulan seperti di kawasan-kawasan yang lain.

"Namun, Jabatan Pertanian sentiasa membantu kami, antaranya memastikan kami dapat mewujudkan rangkaian dengan Lembaga Pemasaran Pertanian Persekutuan (FAMA) untuk memasarkan hasil tanaman, sekali gus mengelak berlakunya lambakan," katanya.

Ditanya mengenai peruntukan Belanjawan 2021 khususnya dalam bidang pertanian, Ramlee berharap bantuan yang diumumkan kerajaan itu dapat disalurkan untuk program-program kebun komuniti di Malaysia.

Menurutnya, ia bagi memastikan peruntukan tersebut dirasai banyak pihak, sekali gus sampai terus kepada golongan sasar.

"Ia juga dapat membantu

anak muda atau orang ramai yang kehilangan pekerjaan untuk bersama-sama mengusaha kebun komuniti di kawasan masing-masing," katanya.

Sementara itu, Pegawai Pertanian Daerah Hulu Selangor, Hanifah Hasan yang turut turun padang meninjau ladang milik Ramlee berkata, pihaknya sememangnya arat menggalakkan penglibatan golongan muda untuk bersama-sama melibatkan diri dalam bidang tanaman sayur-sayuran singkat masa.

Menurutnya, kebanyakan orang muda pada masa kini hanya tertumpu kepada bidang tanaman seperti fertigasi dan rock melon.

"Sebenarnya, tanaman singkat masa boleh meraih pendapatan dengan lebih cepat. Dalam tempoh sebulan sahaja, kita sudah boleh mendapat hasilinya.

"Sebab itulah, Jabatan Pertanian amat menggalakkan anak muda khususnya mereka yang terjejas pendapatan untuk cuba beraih kepada bidang tanaman singkat masa," kata beliau.

Hanifah berkata, Jabatan Pertanian menyediakan pelbagai kursus dan latihan untuk pihak yang berminat secara percuma bagi menggalakkan lagi penyertaan mereka dalam bidang agro tanaman.

"Malah, kita turut sediakan kursus secara atas talian ketika tempoh PKPB bagi membantu membimbing pihak-pihak yang terlibat," katanya.



Kawasan ladang milik Ramlee yang berkeluasan 27 hektar.

TARIKH	MEDIA	RUANGAN	MUKA SURAT
12/11/2020	UTUSAN MALAYSIA	DALAM NEGERI	33

## Pengusaha pelancongan jadi petani

**KULAI:** Pengusaha pelancongan desa di Gunung Pulai di sini disaran menceburia bidang pertanian dan penternakan ikan air tawar bagi meneruskan punca rezeki selepas kehilangan pendapatan yang merosot sehingga 70 peratus sepanjang penukaran wabak Covid-19.

Pengerusi Koperasi Sri Sekawan Kampung Sri Gunung Pulai, Jamalluddin Abdol Hamid berkata, koperasi di bawah program Desa Lestari sejak 2015 menerima sokongan daripada Kementerian Pembangunan Luar Bandar; Kementerian Pertanian dan Industri Asas Tani serta Pihak Berkusa Wilayah Iskandar (IRDA).

Katanya, pergerakan pengunjung agak terbatas kerana tidak boleh inerntas daerah dan negeri serta bimbang dijangkiti antara punca mereka tidak mengunjungi kawasan itu sejak kebelakangan ini.

Menurut Jamalludin, sektor yang terjejas adalah inap desa, restoran dan tapak meletak kenderaan bagi yang mengunjungi hutan lipur.

"Kebanyakan mereka sebelum ini datang pada hujung minggu dan cuti umum yang sekali gus memberikan rezeki tambahan dan bukan sahaja kepada koperasi malah penduduk setempat.

"Sebagai contoh untuk hasil pendapatan tempat letak kenderaan di tanah persendirian, pemilik tanah dapat kutipan mendapat RM2 manakala RM1 untuk koperasi dan mereka boleh mendapat pendapatan sekitar RM10,000 hingga RM15,000 sebulan," katanya.

Jamalludin berkata, kesan Covid-19 menyebabkan pendapatan merudum kepada RM6,000 sebulan disebabkan kurang kedatangan pengunjung ke lokasi hutan lipur pada hari-hari biasa.

Katanya, peniaga restoran terpaksa beroperasi hanya tiga hari seminggu termastik pada hujung minggu bagi mengurangkan kos pengurusan kerana kekurangan pelanggan.

## Raih pulangan empat angka sebulan

**PONTIAN** — Perminusaan tinggi terhadap cendawan tiram kelabu mendorong seorang pemuda mengusahakan tanaman itu yang memberikan pendapatan lumayan sejak dua tahun lalu.

Muhammad Syazwan Zainal Abidin, 22, berkata, dia belajar mengenai perniagaan cendawan dengan seorang usahawan di Ulu Tiram selama lima bulan sebelum memperkenalkan diri membuka ladang sendiri.

Katanya, dia memperuntuk sebanyak RM20,000 bagi membangun empat buah bangsal dan menyediakan bongkah cendawan.

"Buat permulaan saya menanam 30,000 ribu bongkah cendawan dengan tempoh masa pemeraman selama 45 hari se-

dapat dituai.

"Setiap bongkah cendawan yang dituai, mampu mengeluarkan hasil sehingga 40 hingga 70 gram (g) dengan pengeluaran sehari antara 15 hingga 30 kilogram (kg)," katanya ketika ditemui di Kampung Lubok Sipat, Benut, baru-baru ini.

Tambah Muhammad Syazwan, anggaran pendapatan bulanan yang diperolehi ketika ini antara RM4,000 hingga RM7,000 sebulan bagi pengeluaran 600kg cendawan.

Katanya, setiap bongkah cendawan yang dibuat menggunakan beberapa cara seperti campuran habuk kayu getah, dedak kulit gandum, kapur dan air yang mampu mengeluarkan hasil selama empat bulan.

Muhammad Syazwan membetulkan, selain pelanggan yang datang ke ladangnya, dia juga menjual secara terus kepada pemborong dengan harga jualan RM14-sekilogram.

"Penjualan cendawan di pasar berdekatan terpaksa dihentikan semestara kerana tidak dapat menampung permintaan pelanggan."

"Saya juga bercadang untuk menambah 14,000 bongkah cendawan dengan penambahan dua buah bangsal baru sebelum hujung tahun ini," ujarnya.

Jelasnya, penambahan itu bagi memenuhi sasaran 70 hingga 100 kilogram cendawan sehari memandangkan potensi dan permintaannya sentiasa meningkat setiap masa.



**MUHAMMAD SYAZWAN** menunjukkan bongkah cendawan yang boleh dituai di Kampung Lubok Sipat, Benut, Pontian baru-baru ini.



MUHAMMAD Syazwan menunjukkan bongkah cendawan yang sudah boleh dituai di Kampung Lubok Sipat, Benut, Pontian.  
- UTUSAN/MUHAMMAD ZIKRI

## Anak muda raih RM7,000 tanam cendawan

Oleh MUHAMMAD ZIKRI  
utusannews@mediapulsa.com.my

**PONTIAN:** Permintaan tinggi terhadap cendawan tiram kelabu mendorong seorang anak muda mencuei tanaman itu dan berjaya memberikannya hasil pendapatan lumayan sehingga RM7,000 sebulan sejak dimulakan pada 2018.

Muhammad Syazwan Zainal Abidin, 22, selepas mempelajari selama lima bulan kaedah penanaman cendawan itu, terus memberanikan diri membuka perusahaan sendiri dengan kos permulaan RM20,000 bagi membina bangsal dan menyediakan bongkah cendawan.

Katanya, sebagai permulaan, dia menanam 30,000 bongkah cendawan yang diletakkan di dalam empat bangsal dan perlu mengambil tempoh masa selama 45 hari sebelum dapat dipetik.

"Setiap bongkah cendawan mampu mengeluarkan hasil sehingga 40-70 gram atau pengeluaran sehari keseluruhan bongkah antara 15 hingga

30 kilogram (kg).

"Anggaran pendapatan bulanan yang diperoleh ketika ini RM4,000 hingga RM7,000 sebulan iaitu berdasarkan pengeluaran cendawan sebanyak 600 kg dalam sebulan," katanya ketika ditemui di kebunnya terletak di Kampung Lubok Sipat, Benut baru-baru ini.

Mengenai pemasaran cendawan, Muhammad Syazwan memberitahu, sebelum ini dia pernah menghantar ke pasar, tetapi tidak mampu dilakukan kerana pengeluaran tidak mencapai 20kg bagi memenuhi permintaan.

"Oleh itu, kami menjual terus kepada pemborong yang datang ke ladang dengan harga jualan RM14 sekilogram dan kepada individu yang ingin boleh membelinya boleh datang ke sini," jelasnya.

Ekoran permintaan tinggi ke atas cendawan tiram kelabu berkenaan, dia akan menambah lagi kepada 14,000 bongkah di samping membina dua bangsal baharu sebelum hujung tahun ini.